



Møteprotokoll for Eldreråd

Møtedato: 08.06.2020

Møtestad: Nordhordlandshallen kantina

Møtetid: 09:00 - 11:50

Det var sendt ut skriv om rutinar for hygiene i forkant av møtet, og orientert om dette i starten på møtet.

Frammøtte medlemmer	Parti	Rolle
Svein Hagesæter	FNB	Medlem
Kirsti Gjetle Floen	AP	Medlem
Olav Magnus Steinsland		Utvalsleiar
Torhild Frøydis Skage Syslak		Medlem
Einar Lygre		Medlem
Jostein Dale		Nestleiar
Reidun Taule		Medlem
Sigurd Knudsen		Medlem
Randi Iden		Medlem

Følgjande frå administrasjonen møtte:

Kommunalsjef Leni Dale, leiar Plan og analyse Kristin Nåmdal,
fagansvarleg Helge Kvam, møtesekretær Arthur Kleiveland

Sakliste

Saknr	Tittel
017/20	Godkjenning av innkalling og sakliste
018/20	Godkjenning av møteprotokoll
019/20	Strategidokument for Nordhordland UNESCO biosfæreområde- høyring
020/20	Alkoholpolitisk plan for Alver kommune 2020-2024
021/20	Akson: Felles kommunal journal og heilskapleg samhandling
022/20	Meldingar og orienteringar
023/20	Utviklingsplan for Vestland- høyringsuttale frå Alver kommune

017/20: Godkjenning av innkalling og saksliste

Innkalling og saksliste vert godkjent.

Eldreråd 08.06.2020:

Behandling:

Eldrerådet godkjenner innkalling og saksliste.

ER- 017/20 Vedtak:

Innkalling og saksliste vert godkjent.

018/20: Godkjenning av møteprotokoll

Møteprotokollen vert godkjent.

Eldreråd 08.06.2020:

Behandling:

Eldrerådet godkjenner protokoll frå møte 27. april.

ER- 018/20 Vedtak:

Møteprotokollen vert godkjent.

019/20: Strategidokument for Nordhordland UNESCO biosfæreområde-høyring

Rådmannen sitt framlegg til vedtak:

Alver formannskap er positive til at det er utarbeida eit strategidokument for Nordhordland UNESCO biosfæreområde 2020 – 2024. Innspel og merknader til

høyringa av strategidokumentet er oppsummert i saksutgreiinga.

Alver formannskap 30.04.2020:

Behandling:

På vegne av samarbeidspartia SP, AP, KRF og H ved A.Aa.Byrknes-KRF:

Formannskapet sender saka til dei andre utvala for uttale og ber om at strategidokumentet som høyringa er basert på blir lagt ved saka. Sak 46/20 vert utsatt og kjem opp i neste politiske runde i juni 2020. Framlegget vart samrøystes vedteke

FO- 046/20 Vedtak:

Formannskapet sender saka til dei andre utvala for uttale og ber om at strategidokumentet som høyringa er basert på blir lagt ved saka. Sak 46/20 vert utsatt og kjem opp i neste politiske runde i juni 2020.

Ungdomsråd 02.06.2020:

Behandling:

Orientering i saka v/Robert L Hansen.

UR tenkjer at dette er spennande arbeid, og vil nytta tida fram til høyringsfristen 15. juni til å komma med eit innspel til strategidokumentet.

UR- 022/20 Vedtak:

UR kjem med innspel til strategidokumentet innan 15. juni.

Eldreråd 08.06.2020:

Behandling:

Leiar plan og analyse, Kristin Nåmdal, orienterte om strategidokumentet for Nordhordland Unesco biosfæreområde og svara på spørsmål frå medlemmane i rådet.

Leiar i rådet, Olav M. Steinsland, kom med følgjande tilleggsmerknad under Mål for biosfæreområdet og strategiar punkt b) natur, miljø og klima:

Det bør tydeleggjerast endå meir under kulepunkt 2 kor viktig verdien av biologisk mangfald er, spesielt med tanke på menneskeskapt inngrep i naturen, t.d. samferdsle, utbyggingsområder, industri, produksjon, oppdemning, vindkraft osv. Eldrerådet vedtok samrøystes framlegg sett fram i møtet. Utover det ingen merknader.

ER- 019/20 Vedtak:

Eldrerådet har følgjande merknad til Strategidokument for Nordhordland Unesco

biosfæreområde:

Mål for biosfæreområdet og strategiar punkt b) natur, miljø og klima:

Det bør tydeleggjerast endå meir under kulepunkt 2 kor viktig verdien av biologisk mangfald er, spesielt med tanke på menneskeskapt inngrep i naturen, t.d. samferdsle, utbyggingsområder, industri, produksjon, oppdemning, vindkraft osv.

020/20: Alkoholpolitisk plan for Alver kommune 2020-2024

Rådmannen sitt framlegg til vedtak:

Alkoholpolitisk plan for Alver kommune for 2020-2024 vert vedteken slik den ligg føre.

Eldreråd 08.06.2020:

Behandling:

Randi Iden sette fram følgjande endringsframlegg:

Det vert forbod mot alkoholsal på julafta.

Framlegget frå Randi Iden fekk 7 røyster (Randi Iden, Jostein Dale, Torhild S. Syslak, Reidun Taule, Sigurd Knudsen, Svein Hagesæter, Olav M. Steinsland, og vart vedteke mot 2 røyster (Kirsti Gjetle Floen og Einar Lygre)

ER- 020/20 Vedtak:

Alkoholpolitisk plan for Alver kommune for 2020-2024 vert vedteken slik den ligg føre, med følgjande endring:

Det vert forbod mot alkoholsal på julafta.

021/20: Akson: Felles kommunal journal og heilskapleg samhandling

Rådmannen sitt framlegg til vedtak:

Alver kommune gir si tilslutning til målet om ein felles journal for kommunale helse-og omsorgstenester og løysingar for betre digital samhandling mellom alle verksemder som yter helsetenester. Det skal også leggas til rette for betre digital samhandling med innbyggjar og andre kommunale og statlege tenestekområder.

Eldreråd 08.06.2020:

Behandling:

Kommunalsjef Leni Dale orienterte i saka og svara på spørsmål om aktuelle problemstillingar knytt til felles kommunal journal og heilskapleg samhandling. Eldrerådet har ingen merknader. Samrøystes.

ER- 021/20 Vedtak:

Eldrerådet har ingen merknader.

022/20: Meldingar og orienteringar

Rådmannen sitt framlegg til vedtak:

Meldingar og orienteringar vert tekne til orientering.

Eldreråd 08.06.2020:

Behandling:

- Kommunalsjef Leni Dale orienterte om tiltak og status i koronapandemien. Ho sa også at eldrerådet har vore involvert i ein tidleg fase i arbeidet knytt til koronapandemien gjennom orienteringar/informasjon i rådet sine møte. Kommunalsjefen oppmoda også om følgja med på informasjon som blir lagt ut på kommunen si heimeside. Nestleiar i rådet, Jostein Dale, retta ei stor takk for innsatsen helsevesenet har lagt ned - med mykje ekstraarbeid i ein krevjande situasjon.

- Leiar plan og analyse, Kristin Nåmdal, orienterte om prosessen med planstrategi knytt til samfunnsdelen i kommuneplanen. Ho opplyste om at eldrerådet vil få ei god orientering om samfunnsplanen på eit møte i september.

- Medlem i eldrerådet i Alver, og tidlegare leiar i Meland eldreråd, orienterte om bakgrunnen for innspelet om Trepartsamarbeidet knytt til nytenking innan eldreomsorga. Innspelet frå eldrerådet i Meland er basert på eit initiativ frå eldrerådet i Bergen. Kommunalsjef Leni Dale innhentar informasjon og mogleg

erfaring frå Bergen.

Kommunalsjef Leni Dale informerte om at kommunen har sendt svar på innspelet frå Lindås pensjonistlag om aktivitetstilbod ved Lindås bu- og servicesenter og omsorgsbustadane i nærområda. Kommunalsjefen sa at korona-pandemien har gjort at dette initiativet ikkje så langt har kunne bli prioritert.

- Leiar i eldrerådet, Olav M. Steinsland, og medlem Kirsti Gjetle Floen, orienterte om møte som har vore i referansegruppa for utarbeiding av retningslinjer for feriereiser for personar med hjelpebehov. Fagansvarleg helse og omsorg, Helge Kvam, er prosjektleiar for dette arbeidet. Han orienterte om ulike problemstillingar, t.d. knytt til finansieringsopplegg og definering av målgruppe. Før neste møte i referansegruppa blir medlemmane i eldrerådet oppmoda om å koma med innspel.

Eldrerådet tok meldingar og orienteringar samrøystes til orientering.

ER- 022/20 Vedtak:

Meldingar og orienteringar vert tekne til orientering.

023/20: Utviklingsplan for Vestland- høyringsuttale frå Alver kommune

Rådmannen sitt framlegg til vedtak:

Høyringsuttale frå Alver kommune til Regional utviklingsplan for Vestland 2020-2024 er oppsummert i saksutgreiinga.

Eldreråd 08.06.2020:

Behandling:

Leiar plan og analyse, Kristin Nåmdal, orienterte om utviklingsplanen for Vestland. Ho peika på at regionale planar betyr noko for kommunane, og det er difor viktig at Alver er engasjert i regionale planprosessar og kjem med innspel.

Eldrerådet kom ikkje med merknader.

ER- 023/20 Vedtak:

Eldrerådet har ingen merknader til Utviklingsplan for Vestland.